



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Detectio Nvgarvm Lvtheri, Cvm Declaratione Veritatis
Catholicae, Et Confvtatione Dogmatvm Lvtheranorvm**

Bundere, Jan van den

Louanij, 1551

De baptismo paruulorum quid scripserit. cap. xij.

urn:nbn:de:hbz:466:1-35621

DE BAPTISMO PARVVL. 25

singulos dies offerimus? Sed ad recordationem mortis eius. Et vna est hostia, non multæ, Quomodo est vna & non multæ? Quia semel oblatus est Christus. Hoc autem sacrificiū exemplum est illius, id ipsum, & semper idipsum. Et Paulò post ipsam offerimus etiã nunc quæ tunc oblata est, consumi non potest.

Quod nos facimus in commemoratione mific eius quod factum est, hoc enim facite ait Saluator in meam commemorationem, hoc quoque sacrificium in symbolo Ephesino dicitur incruentum, hoc est non in specie cruoris, vt olim in ara crucis, tunc enim cruentum erat, de consec. dist. 2. ca. necessariæ.

Noueris præterea mi Philomathes si abominandum esset missæ sacrificium, nõ dissuasisset hoc ipsum diabolus qui boni est hostis, sed toto conamine ad celebrandum abominandum Deo sacrificiū impulisset Lutherum.

De baptismo paruulorum.

CAP. XII.

PHILOMATHES à te Orthodoxo quem præceptoris loco amplector, vehementer edoceri cupio quid Lutherum de paruulorum baptismo sentire existimes.

ORTHODOXVS In illo tam ditiorsus sibi est quàm in alijs, Nã cum malè audfret apud

E ple-

DE BAPTISMO

plerosq; tanquam ipse prima radix & scaturigo fuerit in omnibus istis sectis. Maximè autem quū Balthasarus pacimontanus eius mentionem fecisset, quasi & ipse consentiat in stultam hanc anabaptistarū opinionem. Librum ædedit theutonicum in anabaptistas, in quo inter cætera probat non tam fidei baptizati aut baptizati aut patrinorum fidendum esse quàm promissionibus Christi, & susceptione baptismi. Fidem enim esse incertam, sacramentum autem certum. Cùmque rebaptizatores dicant, Nusquam haberi in scripturis quòd paruuli habeant fidem propriam aut quòd baptizari debeant, Ipse respondet, neque scriptura vlla dicit, adultos baptizate, & nullos paruulos. In eodem libro contra rebaptizatores sic habet. Ego & gratias ago Deo & gaudeo me paruulum esse baptizatum. Ibi enim feci quod Deus præcepit. Siue ergo crediderim siue non, sum tamen baptizatus super mandatum Dei. Baptismus verus & certus est, siue fides mea adhuc hodie certa sit siue incerta. Possum curare vt adhuc credam ac certus fiam. In baptismo nihil deficit, in fide semper est defectus. Satis enim habemus laboris ad discendam fidem toto tempore vitæ.

Ea

Ea de re longè aliam scripsit sententiam ad Vvaldenses seu Pighardos Bohæmię . Ac interea quę in eis reprehendebat hunc quoque articulum commemorabat , quòd paruulos baptizant ad futuram fidem quam adulti consequuturi sint . Ait igitur præstare prorsus omittere baptismum in paruulis quàm baptizare sine fide . Quia sacramenta neque debeant neque possint sine fide accipi . Si verò sine fide accipias sacramentum , magno tuo malo accipies . Huic vestrę inquit doctrinę opponimus nos verbum Christi , Qui crediderit & baptizatus fuerit salu' erit . Qui verò nõ crediderit cõdēnabitur . In Coeleum verò scribens sic ait , Non negamus paruulos esse baptizandos , nec asseremus eos baptismum accipere sine fide , sed dicimus ad baptismum eos credere per vim verbi quo exorcizantur , & per fidem ecclesię eos offerentis , & eis fidem orationibus suis impetrantis , Alioqui mera & intolerabilia essent mendacia , quando baptizans à paruulo quærit an credat , non baptizaturus nisi vice eius respondeatur , Credo . Vt quid interrogat an credat , si certum est eos non credere ?

In captiuitate verò Babilonica dicit,

E ij

Bapti-

BOHAEMOS ALIQ. LAVDAT

baptismum neminem iustificare nec vlli prodesse, sed fidem in verbum promissionis, cui additur baptismus.

Attende in his quàm varius sit sibi Lutherus & non constans, qui ad omnem auram mutatur, vt quicquid sibi suggerat ingenium vel materia, id effutiat immemor priorum suorum dictorum aut scriptorum. Concedit paruulis baptismum prodesse, postea negat, quia propriam fidem non habent, Inde consentit fidem ecclesie illis subuenire, Tandem ait baptismum nulli prodesse sed fidem.

Bohemos aliquando laudat, aliquando reprobat. CAP. XIII.

PHILOMATHES Quid de Bohemis sentiat Lutherus ne graueris aperire.
ORTHODOXVS Faciam quàm libentissime, Bohemi propter abusus & mala quæ viderant in ecclesia potissime romana sese ab eius obedientia subtraxerunt. Contra quos scribit Lutherus in cōmētario ad Ga. 6. super illo, alter alteri onera portate (licet postea typographi hoc omiserunt) Ibi Lutherus pulcherrimè declarat nō esse ab ecclesia propter malos recedendum: hi inquit peruertunt hanc doctrinā qui volunt sua onera portari, & solum cōmodis aliorum frui & vehi.

Et